



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Thomæ Tamburini Societatis Jesu Siculi
Caltasinettensis, In ... Universitate Messanensi Theologiæ
Primarii Professoris, Tractatus Quinque In Quinque
Ecclesiæ Præcepta**

Tamburini, Tommaso

Dilingæ, 1697

Privilegium Cæsarevm.

urn:nbn:de:hbz:466:1-40032

PRIVILEGIUM CÆSAREVM.

LEOPOLDUS Divinâ favente clementiâ electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclavoniæ, &c. Rex, Archidux Austriæ, Dux Burgundiæ, Styriæ, Carinthiæ, Carniolæ, & Wirtenbergæ, Comes Tyrolis &c. Agnoscimus & notum facimus tenore præsentium universis, posteaquam humiliter nobis exposuerit Noster, Sacrique Imperij fidelis dilectus, Joannes Casparus Bencard, Bibliopola Augustanus, statuisse se Opus posthumum P. Thomæ Tamburini Soc. JESU, sive Tractatus ejusdem quinque, in quinque Ecclesiæ præcepta, ad publicos Usus in Germaniâ prælo subicere, atque eidem Operi ad lucem quanto cyus edendo Operam se jam tum diligenter navare, sollicitum, ne locatorum hac in parte sumptuum & industriæ per fraudes aliorum ejusmodi libros temerè imitantium frustretur, demissè nobis supplicando, quo eam ob causam prædictos tractatus, quorum debita quinque exemplaria, jam tum ad Consilium nostrum Imperiale Aulicum transmissit, privilegio nostro Cæsareo communire, clementer dignaremur, Nos precibus istis pro ea, quam præseferebant, æquitatem benignè annuisse. Qui proinde omnibus & singulis Typographis, Bibliopolis, Bibliopægis, & aliis quibuscunque librariam Negotiationem exercentibus seriò inhibemus & vetamus, ne quis prædictos P. Tamburini tractatus, per quinque annorum spatium à prima editionis die computandum intra sacri Romani Imperij, Regnorumque & Ditionum nostrarum hæreditariarum fines simili aut alio quocunque Typo, Characterè vel forma, sive in toto, sive in parte, mutatisve titulis recudere, aut aliò recudendos dare, aut etiam alibi recusos apportare, venundare aut distrahere, clam vel palam citra dicti supplicantis, ejusve hæredum expressum & in scriptis obtentum consensum ausit, vel præsumat; Si quis verò secus faciendo, interdictum hoc nostrum neglexerit, aut violaverit, eum non solùm ejusmodi libris perperam quippe recusis & adductis (quos quidem supra nominatus Joannes Casparus Ben-

matet in bibliot.

TAMBURINI

in

ecclesiæ præceptis

de

II

306

card, ejusve hæredes & successores ubicunque locorum deprehensos, seu propria autoritate, seu Magistratûs loci illius auxilio sibi vindicare poterunt) de factò privandum, sed & pœna insuper quinque marcarum auri puri, pro semisse Fisco nostro Cæsareo ceu fraudis vindici, & ex reliqua parte injuriam passis pendenda decernimus multandum; dummodo tamen præfatum Opus nihil uspiam, quod bonis moribus, sacrique Imperij Constitutionibus quovis modo adversetur, contineat, Privilegiûmque hoc nostrum Cæsareum pro publica cautela in fronte impressum, sui que censuram exhibeat. Mandamus igitur universis ac singulis nostris & sacri Imperij, Regnorûmque ac Dominiorum nostrorum hæreditariorum subditis, ac fidelibus dilectis, tam Ecclesiasticis quàm Sæcularibus, cujuscunque status, gradus, dignitatis aut ordinis existant, præsertim verò iis, qui in Magistratu constituti, vel suo vel superiorum suorum loco aut nomine jus dicunt, justitiâmve administrant, ne quemquam hoc Privilegium nostrum Cæsareum impunè violare, spernere aut transgredi patiantur, sed si quos contumaces compererint, constitutâ à nobis multâ eos puniri, & quibuscunque modis idoneis coërceri curent, nisi & ipsimet gravissimam nostram indignationem in se laceßere ac provocare voluerint. Harum testimonio literarum, manu nostro subscriptarum, & sigilli nostri Cæsarei appensione munitarum, quæ dabantur in Civitate nostra Viennæ die decima tertia Novembris, Anno millesimo sexcentesimo nonagesimo sexto, Regnorum nostrorum Romani trigesimo nono, Hungarici quadragesimo secundo, Bohemici verò quadragesimo primo.

LEOPOLDUS.

V. Sebastianus Wunibaldus

Comes à Zeyhl.

(L. S.)

*Ad Mandatum Sacre Cæsareæ Majestatis
proprium.*

Franciscus Winandus de Bertram.